



Broj:10-37-2-2826-10/16
Sarajevo, 28.04.2017. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-05-2017			
Organizaciona jedinica	Klasifikaciona oznaka	Redni broj	Broj priloga
01/6-	37-	136/17	

BOSNA I HERCEGOVINA
Parlamentarna skupština
Komisija za ostvarivanje ravnopravnosti spolova
n/r Mirsad Isaković, predsjedavajući Komisije

PREDMET: Izvještaj o provedbi Gender akcionog plana Bosne i Hercegovine za 2015. i 2016. godinu i Izvještaj o provedbi Akcionog plana za implementaciju UN Rezolucije 1325 „Žene, mir i sigurnost“ u Bosni i Hercegovini za period 01.08.2015.-01.08.2016. godine, **dostavlja se**

Poštovani,

Dostavljamo Vam radi upoznavanja na sljedećoj sjednici Komisije za ostvarivanje ravnopravnosti spolova **Izvještaj o provedbi Gender akcionog plana BiH za 2015. i 2016. godinu i Izvještaj o provedbi Akcionog plana za implementaciju UN Rezolucije 1325 „Žene, mir i sigurnost“ u BiH za period 01.08.2015.-01.08.2016. godine.**

Izvještaj o provedbi Gender akcionog plana Bosne i Hercegovine za 2015. i 2016. Godinu, zajedno sa predloženim zaključcima i preporukama za nadležne institucije, usvojilo je Vijeće ministara Bosne i Hercegovine na 98. sjednici, održanoj 12.04.2017. godine. Gender akcioni plan Bosne i Hercegovine za period 2013–2017. godine usvojilo je Vijeće ministara BiH, na 62. sjednici održanoj 03.09.2013. godine i zadužilo sve nadležne institucije BiH da se aktivno uključe u realizaciju planiranih aktivnosti iz ovog strateškog dokumenta.

Izvještaj o provedbi Akcionog plana za implementaciju UN Rezolucije 1325 „Žene, mir i sigurnost“ u Bosni i Hercegovini za period 01.08.2015.-01.08.2016. godine, zajedno sa predloženim zaključcima i preporukama za nadležne institucije, usvojilo je Vijeće ministara Bosne i Hercegovine na 99. sjednici, održanoj 18.04.2017. godine. Akcioni plan za implementaciju UNSCR 1325 „Žene, mir i sigurnost“ usvojilo je Vijeće ministara BiH na 104. sjednici, održanoj 08.07.2014. godine i zadužilo sve nadležne institucije BiH da se aktivno uključe u realizaciju planiranih aktivnosti iz Akcionog plana.

Oba izvještaja su izrađena u skladu sa definisanim obavezama iz Programa rada Vijeća ministara za 2016. godinu.

S poštovanjem,

MINISTRICA
Semiha Borovac



Prilog:

- Izvještaj o provedbi Gender akcionog plana Bosne i Hercegovine za 2015. i 2016. godinu i
- Izvještaj o provedbi Akcionog plana za implementaciju UN Rezolucije 1325 „Žene, mir i sigurnost“ u Bosni i Hercegovini za period 01.08.2015.-01.08.2016. godine

Izvještaj o provedbi

Gender akcionog plana
Bosne i Hercegovine

za 2015. i 2016. godinu

decembar, 2016. godine

SAŽETAK IZVJEŠTAJA

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH (ARS BiH, MLJPI BiH) je izradila Godišnji izvještaj o provedbi Gender akcionog plana u Bosni i Hercegovini za 2015. i 2016. godinu. Izvještaj je sačinjen na osnovu informacija prikupljenih od strane institucija zastupljenih u Koordinacionom odboru na državnom nivou, te izvještaja koje su dostavili entitetski gender centri: Gender centar FBiH i Gender centar RS. Slijedi sažetak Izvještaja u skladu sa strateškim ciljevima i mjerama definisanim u Gender akcionom planu BiH.

STRATEŠKI CILJ 1: Izrada, sprovođenje i praćenje programa mjera za unaprjeđenje ravnopravnosti spolova u institucijama vlasti, po prioritetnim oblastima

- **Prioritet i mjere u oblasti sprečavanja i suzbijanja nasilja na osnovu spola i nasilja u porodici** definisani su u Okvirnoj strategiji za provedbu Konvencije o prevenciji i borbi protiv nasilja nad ženama i nasilja u porodici u Bosni i Hercegovini za period 2015 - 2018. godine (Istanbulske konvencije). USAID je dodijelio grant sredstva ARS BiH, MLJPI BiH u iznosu od 750.000 dolara za rješavanje problema rodno zasnovanog nasilja u BiH. U okviru kampanje "16 dana aktivizma protiv nasilja na osnovu spola" tokom 2016. godine zabilježen je najveći broj aktivnosti do sada - 160 javnih i zagovaračkih aktivnosti u organizaciji gender institucionalnih mehanizama i nevladinog sektora.
- **Procenat učešća žena u javnom životu i donošenju odluka** u BiH se smanjuje sa povećanjem nivoa pozicije odlučivanja, bilo da se radi o političkom životu ili javnoj upravi. Ovo pitanje i dalje ostaje jedan od glavnih prioriteta u cilju prevazilaženje diskriminacije na osnovu spola. Lokalni izbori održani 2016. godine doveli su do blagog povećanja učešća žena u izvršnoj i zakonodavnoj vlasti na lokalnom nivou, ali taj napredak je daleko od očekivanog.
- U oblasti **rada, zapošljavanja i pristupa ekonomskim resursima** učinjen je napredak u izmjenama određenih zakonskih rješenja kada je riječ o zaštiti materinstva i preciziranju zabrane otkaza ugovora o radu. Međutim u FBiH još uvijek nisu ujednačene isplate naknada za porodilje. Na svim nivoima vlasti u BiH provode se programi i mjere za ravnopravan pristup mogućnostima zapošljavanja, samozapošljavanja i ekonomskim resursima. I pored toga BiH ostaje država sa veoma niskim procentom učešće žena na tržištu rada u poređenju sa zemljama regije i Jugoistočne Evrope.
- U oblasti **obrazovanja, nauke, kulture i sporta** evidentan je napredak u afirmaciji pitanja ravnopravnosti spolova kroz zakonodavni i strateški okvir. Dostupni podaci pokazuju da je procenat žena koje su stekle zvanje doktora nauka povećan za 13,3% u odnosu na prethodni izvještajni period. Nacrta Strategije Ministarstva civilnih poslova BiH za razvoj nauke u BiH za period 2017 - 2022. sadrži mjere za uključivanje principa ravnopravnosti spolova u istraživačkim institucijama. U Zakon o izmjenama i dopunama Zakona o sportu

BiH ugrađene su odredbe o zabrani diskriminacije na osnovu spola, te ravnopravnom pristupu i učešću u sportu bez obzira na spol.

- U oblasti **zdravstvene zaštite i prevencije** je ustaljena praksa da propisi, strategije i politike uključujući odredbe o zabrani diskriminacije i poštivanje principa ravnopravnost spolova u pristupu zdravstvenim uslugama. Redovno se sprovode preventivne mjere zdravstvene zaštite Romkinja, posebno u oblasti reproduktivnog zdravlja. Izrađeni su resursni paketi za podršku žrtvama rodno-zasnovanog nasilja u zdravstvenom sektoru u FBiH i RS koji uključuju i postupanje sa žrtvama koje su preživjele seksualno zlostavljanje i silovanje tokom rata. U BiH ne postoji Zakon o liječenju neplodnosti medicinski potpomognutom oplodnjom na nivou države, a ovo pitanje se rješava na različite načine u FBiH, RS-u i Distriktu Brčko.
- Pristup **socijalnoj zaštiti** u BiH je neujednačen što, dovodi do rizika od socijalne isključenosti posebno ranjivih grupa stanovništva, kao što su osobe s invaliditetom, povratnici/e i raseljene osobe, romska populacija, samohrane majke i osobe treće dobi, te posebno žrtve rodno zasnovanog nasilja i seksualnog nasilja tokom rata. U izvještajnom periodu realizovane su aktivnosti i mjere na uvođenju ravnopravnog pristupa resursima i mogućnostima koje pruža sistem socijalne pomoći u BiH. Međutim, i ove aktivnosti su fragmentirane zbog nepostojanja sistemskog i ujednačenog pristupa na nivou države.

Strateški cilj 2. Izgradnja i jačanje sistema, mehanizama i instrumenata za postizanje ravnopravnosti spolova

- U cilju unaprjeđenja **koordinacije i nadzora nad provedbom Gender akcionog plana BiH** formiran je Upravni odbor i koordinacioni odbori za praćenje provedbe GAP-a BiH, koje su uspostavili Vijeće ministara BiH, Vlada Federacije BiH i Vlada RS. Nadležne institucije države i entiteta koje su zastupljene u ovim koordinacionim odborima aktivno su učestvovala u godišnjem operativnom planiranju i prikupljanju informacija za ovaj izvještaj. Šest institucija na državnom nivou donijele su interne akte sa konkretnim mjerama za postizanje ravnopravnosti spolova u svom djelokrugu rada.
- Opredivljenost i kontinuiran rad institucija zastupljenih u **Koordinacionom odboru za praćenje Akcionog plana BiH za primjenu UN Rezolucije 1325 „Žene, mir i sigurnost“** u BiH rezultirao je konkretnim napretkom u sistemskom pristupu uvođenju standarda ravnopravnosti spolova u sektore odbrane i sigurnosti. Unaprijeđene su statističke evidencije, kontinuirano se održavaju obuke na temu ravnopravnosti spolova, proširena je mreža kontakt osoba za rodna pitanja u svim nadležnim institucijama, te povećan je broj akata koji su usklađeni sa Zakonom o ravnopravnosti spolova u BiH. Kao rezultat promotivnih aktivnosti, i uvedenih afirmativnih mjera povećana je zainteresovanost žena za vojni i policijski poziv i značajno povećan procenat žena upućenih u mirovne misije (za oko 3,5% u Ministarstvu odbrane i oko 6% u Ministarstvu sigurnosti BiH).
- ARS BiH, MLJPI BiH i entitetski gender centri su u saradnji sa Sarajevskim otvorenim centrom nastavili rad na unapređenju prava LGBTI osoba u BiH. U

skladu sa Preporukom Vijeća Evrope CM/Rec(2010)5, izrađen je **Prijedlog mjera za poboljšanje ravnopravnosti LGBTI osoba**, koji predstavlja osnov za dalji rad na uklanjanju diskriminacije LGBTI osoba.

- **Primjetno povećanje broja dostavljenih akata na koje je traženo mišljenje** ARS BiH, MLJPI BiH ili entitetskih gender centara **o usklađenosti sa Zakonom o ravnopravnosti spolova u BiH** (npr. broj pravnih akata dostavljenih na mišljenje ARS BiH, MLJPI BiH je od 2013. godine povećan oko 3 puta). Preporuke za usklađivanje su u 90% slučajeva uvrštene u prijedloge dokumenata, a posebna pažnja je posvećena zaštiti osoba koje pripadaju osjetljivim grupama.
- Unapređenju sistemskog pristupa uvođenju principa ravnopravnosti spolova na svim nivoima izvršne i zakonodavne vlasti u velikoj mjeri doprinosi **kontinuirana međusobna saradnja i jačanje kapaciteta institucionalnih mehanizama za ravnopravnost spolova na svim nivoima**. To se posebno odnosi na provođenje zajedničkih aktivnosti sa parlamentarnim komisijama za ravnopravnost spolova u BiH i podršku radu i razvoju mehanizama na lokalnom nivou vlasti.
- **ARS BiH, MLJPI BiH i entitetski gender centri pružaju kontinuiranu stručnu i administrativnu podršku institucijama** koje su nadležne za provedbu GAP BiH i drugih sektorskih strategija i politika na nivou države i entiteta. Ta podrška podrazumijeva sve vidove formalne i neformalne saradnje, te učenje kroz rad na uvođenju principa ravnopravnosti spolova i rodno odgovornog budžetiranja. Iz sredstava **Finansijskog mehanizma za provedbu Gender akcionog plana BiH** (FIGAP programa) dodijeljeni su grantovi za oko 65 projekata institucija i oko 80 projekata nevladinih organizacija provedenih u partnerstvu sa institucijama na svim nivoima vlasti. Završna evaluacija FIGAP programa potvrdila je njegovu učinkovitost u postizanju očekivanih rezultata uz preporuku da se nastavi ovaj uspješan mehanizam finansiranja.
- ARS BiH, MLJPI BiH i entitetski gender centri u saradnji sa nevladinim i međunarodnim organizacijama **redovno provode promotivne aktivnosti koje doprinose podizanju svijesti** o ravnopravnosti spolova. Najveći broj aktivnosti realizovan je tokom redovnog obilježavanja „Sedmice ravnopravnosti spolova“ i Međunarodne kampanje „16 dana aktivizma protiv rodno zasnovanog nasilja“.
- ARS BiH, MLJPI BiH i gender centri **redovno prikupljaju i analiziraju podatke** razvrstane po spolu i sačinjavaju izvještaje o stanju ravnopravnosti spolova u BiH prema međunarodnim obavezama, te o implementaciji usvojenih strategija i akcionih planova, koji se upućuju na razmatranje i usvajanje Vijeću ministara BiH i entitetskim vladama.

Strateški cilj 3. Uspostavljanje i jačanje saradnje i partnerstva

- **Intenzivirana je regionalna i međunarodna saradnja**, protok informacija, međusobna razmjena iskustava, dobrih praksi i stručnih resursa iz oblasti ravnopravnosti spolova. Primjer takve saradnje je učešće ARS BiH, MLJPI BiH u početnoj fazi izrade Nacionalnog akcionog plana Finske za provedbu UNSCR

1325, na poziv Ministarstva vanjskih poslova Finske. Tokom kreiranja finskog Akcionog plana primijenjen je pristup i struktura Akcionog plana za BiH.

- Nastojanja da se unaprijedi **saradnja i razmjena informacija između nevladinih organizacija i institucionalnih mehanizama za ravnopravnost spolova**, rezultirala su smanjenjem broja ad hoc projekata, te sve većim uključivanjem nevladinih organizacija kao ravnopravnih partnera javnom sektoru. Potpisana su dva sporazuma o saradnji sa grupama nevladinih organizacija koje se bave ravnopravnošću spolova u postizanju mira i sigurnosti, te prevencijom i suzbijanjem rodno zasnovanog nasilja.

**Izvještaj o provedbi Akcionog plana za
implementaciju UN Rezolucije 1325
„Žene, mir i sigurnost“
u Bosni i Hercegovini**

01.08.2015. - 01.08.2016. godine

septembar/rujan, 2016. godine

SAŽETAK

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH je izradila Godišnji izvještaj o provedbi Akcionog plana za implementaciju UN Rezolucije 1325 „Žene, mir i sigurnost“ u Bosni i Hercegovini (AP UNSCR 1325). Izvještaj je sačinjen na osnovu informacija prikupljenih od nadležnih institucija zastupljenih u Koordinacionom odboru (KO) za provedbu AP UNSCR 1325 u BiH i pokriva period od 01.08.2015.- 01.08.2016. godine. Slijedi sažetak Izvještaja u skladu sa strateškim i srednjoročnim ciljevima AP UNSCR 1325 u BiH. Na kraju pojedinih informacija o postignutim rezultatima nalazi se referenca na broj stranice u Izvještaju ili u Prilogu Izvještaja na kojoj se nalazi više detalja o navedenoj informaciji.

- Evidentan je napredak u **sistemskom pristupu uvođenju principa ravnopravnosti spolova u djelokrug rada nadležnih institucija**, u skladu sa članom 24 Zakona o ravnopravnosti spolova u BiH (ZoRS) koji propisuje obaveze institucija na svim nivoima vlasti. Pojedine institucije i agencije (Ministarstvo odbrane BiH, Ministarstvo sigurnosti BiH, SIPA) su donijele odluku ili rješenje sa mjerama za postizanje ravnopravnosti spolova i postupaju po tim mjerama. Članovi/ce KO su glavni inicijatori promjena unutar institucija koje predstavljaju. Međutim, ovaj proces još uvijek nije ujednačen u svim institucijama (Izvještaj str.16; Prilog str.38).
- Došlo je do značajnog porasta broja inicijativa od strane nadležnih institucija da se **zakoni, podzakonski akti, strategije, politike i programi usklađuju sa ZoRS BiH**. U MO BiH je to kontinuiran i redovan proces kao dio sveukupnih nastojanja za uvođenjem principa ravnopravnosti spolova. Izuzetan napredak je postignut i u MS BiH, jer je broj akata koji se redovno dostavljaju na mišljenje Agenciji za ravnopravnost spolova BiH/MLJPI BiH izuzetno povećan, pri čemu su sve sugestije za usklađivanje sa ZoRS BiH uvrštene (Izvještaj str.9; Prilog str.5).
- **U cilju jačanja kapaciteta i podizanja svijesti** redovno se provode obuke o ravnopravnosti spolova, koje su prethodnih godina uvrštene u nastavne planove i programe PSOTC-Centra za obuku, gdje se redovno izvodi petodnevna obuka na temu: „Rodna pitanja u operacijama podrške miru“. Provode se i druge obuke, seminari i specijalistički kursevi koji doprinose kontinuiranom podizanju svijesti i razumjevanju pitanja ravnopravnosti spolova u sektorima odbrane i sigurnosti. Pored toga, jačaju se i koriste stručni kapaciteti, unutar institucija, za izvođenje obuka i dalje prenošenje znanja i vještina (Izvještaj str.11; Prilog str.14).
- **Imenovane kontakt osobe** prenose znanja novim kontakt osobama za rodna pitanja u MO BiH i OS BiH, kao i u MS BiH. Ulažu se naponi u dalje jačanje i osposobljavanje ovih kontakt osoba, te bolje preciziranje i vrednovanje njihovih dužnosti i obaveza. Treneri za rodnu ravnopravnost u MO BiH izvode obuke i praktično primjenjuju Priručnik za izvođenje obuke, izrađen prethodne godine (Izvještaj str.11; Prilog str.14).
- Osnovne **baze podataka razvrstane su po spolu** i redovno se ažuriraju u svim institucijama, te su dodatno unaprijeđene i proširene, tako da se mogu generisati i analizirati podaci o stanju ravnopravnosti spolova u pojedinim specifičnim oblastima koje su identifikovane kroz primjenu AP UNSCR 1325 u BiH (npr. učešće žena na obukama i kursevima za stručno usavršavanje, učešće u komisijama i odborma, radnim grupama, pregovaračkim grupama itd.). Analiza prikupljenih statističkih podataka pokazuje sljedeće (Izvještaj str.16; Prilog str.1-4):
 - **Omjer žena i muškaraca zaposlenih u MO BiH** (38% ž), te u OS (6,8% ž) pokazuju trend blagog povećanja zastupljenosti žena.
 - **Procenat prijavljenih žena na oglas za prijem u vojnu službu** je 9,9% što ukazuje na trend zadržavanja zainteresovanosti žena za vojni poziv, koji je naglo porastao prethodnih godina kao rezultat promocije vojnog poziva.

- U ukupnom broju zaposlenih u institucijama sektora sigurnosti i agencijama za provođenje zakona zastupljenost žena je u prosjeku 50,5%. Zastupljenost žena u policijskim snagama na svim nivoima vlasti je oko 7,5% i nema značajnije promjene stanja u odnosu na prethodni izvještajni period.
 - U MO BiH je došlo do značajnijeg povećanja broja žena u ukupnom broju upućenih u mirovne misije (sa 3,5% na 6,7%,). Procenat žena u policijskim mirovnim misijama povećan nešto više od 6% (sa oko 24% na 30%), što je između ostalog rezultat ranije uvedene afirmativne mjere MS BiH koja se odnosi na smanjenje broja potrebitih godina radnog iskustva, sa osam na pet godina za žene, za sudjelovanje u mirovnim misijama.
 - Analiza učešća žena na mjestima donošenja odluka u sektorima odbrane i sigurnosti generalno pokazuje određeni napredak, ali je on daleko od očekivanog. Žene su, uglavnom, zastupljene na srednjem nivou menadžmenta. Međutim, u OS BiH, procenat učešća žena na rukovodećim pozicijama je i dalje veoma nizak (2,5%). Isto se odnosi i na policijske strukture gdje je veoma nizak procentat žena sa visokim činovima (od ukupnog broja policijskih službenica 3,3% je samostalnih i 0,3% glavnih inspektorica).
 - Žene u mnogo manjem omjeru od muškaraca učestvuju na specijalističkim obukama i kursovima, koji su namijenjeni stručnom usavršavanju u sektorima odbrane i sigurnosti.
- BiH je polazišna, odredišna i tranzitna zemlja za žene, djecu i muškarce žrtve **trgovine osobama**. Identificirano je ili asistirano u 35 slučajeva potencijalnih žrtava trgovine osobama (27 ž i 8 m) u slučajevima navođenja na prostituciju i/ili seksualnog iskorištavanja, prosjačenja, te prodaje u svrhu sklapanja braka/vanbračne zajednice sa maloljetnikom. Najprisutnije je bilo prosjačenje (Izvještaj str.13; Prilog str.24).
 - MLJPI BiH je dodijelilo grantove nevladinim organizacijama za **programe podrške žrtvama trgovine osobama**.
 - Provedene su i **obuke za jačanje kapaciteta i druge aktivnosti za podizanje svijesti stručne i opšte javnosti o problemu trgovine osobama**, koje su uglavnom finansirale međunarodne organizacije.
 - **Promotivne aktivnosti i kampanje**, koje su uglavnom provodile NVO, bile su većinom usmjerene na problem zloupotrebe djece u prosjačenju.
 - **Podrška ženama i djevojčicama žrtvama seksualnog nasilja tokom i nakon rata i žrtvama torture** nastoji se ostvariti kroz poboljšanje pravnog okvira i mehanizama za ostvarivanje prava žrtava, te dostupnost kompenzacija i beneficija. Preživjele žrtve se i dalje suočavaju sa problemima pristupa pravdi i zadovoljenja pravde, pristupa liječenju i pomoći od zdravstvene njege do psihološke pomoći (Izvještaj str.14; Prilog str.31).
 - Žrtve uglavnom ne ostvaruju svoja prava na naknadu za pretrpljenu štetu kroz krivični postupak. Žrtve se upućuju na građanske parnice, kojih se najčešće odriču, jer su dugotrajne, te otkrivaju identitet i koštaju.
 - Nadležne institucije, međunarodne i nevladine organizacije u BiH su u proteklom periodu provodile aktivnosti i inicijative na definisanju stvarnih potreba preživjelih žrtava, unapređenju pravnog i institucionalnog okvira, te mehanizama za ostvarivanje prava preživjelih, uključujući kompenzacije i beneficije koje im pripadaju.
 - Ostvarivanje prava i zvaničnog statusa za sve preživjele žrtve silovanja i torture podrazumijeva postojanje **multisektorskog pristupa, koordinacije i institucionalnih mreža podrške** na čijem uspostavljanju se radilo u proteklom periodu u okviru različitih inicijativa, programa i projekata.
 - Agencija za ravnopravnost spolova BiH/MLJPI BiH pruža redovnu stručnu podršku nadležnim institucijama u procesima uvođenja i primjene principa ravnopravnosti spolova, te unapređuje

saradnju sa drugim akterima od lokalnog, preko regionalnog, do međunarodnog nivoa saradnje (Izveštaj str.19; Prilog str.40).

- U okviru **saradnje na lokalnom nivou**, u izvještajnom periodu, inicirano je donošenje još tri lokalna akciona plana (LAP) za provedbu UNSCR 1325.
- Poboljšana je **saradnja i razmjena informacija sa nevladinim organizacijama** kroz aktivnije učešće u planiranju, praćenju i izvještavanju o provedbi AP UNSCR 1325.
- **Regionalna saradnja** je bila usmjerena na razmjenu dobrih praksi BiH u lokalizaciji UNSCR 1325, te je po uzoru na lokalne akcione planove u BiH usvojen LAP za grad Niš, što je dobar primjer regionalne saradnje koja rezultira konkretnim akcijama.

Iako je napredak evidentan, izazovi u provedbi AP UNSCR 1325 i dalje postoje. Nedostatak finansijskih i ljudskih resursa predstavlja prepreku za kontinuiranu primjenu principa ravnopravnosti spolova u nadležnim institucijama. KO za praćenje AP UNSCR 1325 je ključni akter u mobiliziranju nadležnih institucija i pojedinaca za implementaciju Akcionog plana u BiH. Agencija za ravnopravnost spolova BiH/MLJPI BiH ima koordinacijsku i savjetodavnu ulogu, čime se osigurava učinkovit nadzor nad provedbom AP UNSCR 1325. ARS BiH i entitetski gender centri će u skladu sa raspoloživim resursima nastaviti pružati stručnu i finansijsku podršku provedbi ovog plana.